

德
蔭
堂
集

德蔭堂集卷三

長白阿克敦撰

曾孫那彥成校刻

館課集

新火和京江先生原韻

綠野正抽萌青陽甫改序芳辰尙未闌禁烟俗已
舉景物漸暄妍天行未及暑新火傳舊典寒食乃
古語采采榆柳枝燿人遺令矩頌賜盡鵲行五侯
分蠟炬綺筵羅珍羞春郊進雞黍清時百卉昌廟
堂看連茹三公資調燮萬物欣得所載賡白雪歌
高唱難爲侶

和陶靖節飲酒羲農去我久一首原韻

孔顏有所樂人莫得其真企彼羲農上遐哉皇風
淳靜言思古處胡爲逐時新斯人旣云歿詩書罪
亡秦絕學嗟如縷誰當繼後塵紛華在屏斥歲月
事辛勤末流逝頽波但與世味親六經揭大義無
復一問津努力少壯年莫負儒者巾高山欽仰止
心懷願學人

此日不再得和龜山楊氏原韻

此日不再得今古易滄桑惟人賦秀靈慎勿負穹
蒼進德與修業爭肯棄時光勉爲君子儒力學及

青陽緬彼先哲型規圓而矩方懲私導衾影晰理
辨微芒適從定所擇當前判否臧我行不可忽我
性不可戕廣譽勝文繡至味壓糟糠中懷誠自得
何必異行藏秋冬物剝落春夏氣芬芳四序多代
謝依仁心獨剛主一無他適挺立少徬徨百歲時
有幾三餘味正長所畏在怠肆所務在齋莊末學
逝頽波摘句而尋章攻取任相逐紛紛奔走場法
乾而惕若不息以自強巉巖登覓路浩瀚渡求航
異端空隱怪大道卽庸常惺惺常無昧操舍繫存
亡蹉跎少壯年在耄老大傷分陰足珍惜幾希別

聖狂

讀漢留侯唐鄴侯傳有序

人有盛業著於當時美名傳於奕禩而進退之間或善其始不善其終卽多不滿人意之處予嘗尙論往古至漢之留侯唐之鄴侯其初則蕩強秦而成帝業振中葉而贊皇猷後乃飄然遠舉不滯於幾易曰時行則行時止則止殆庶幾乎讀其書想見其人不覺掩卷太息流連而不能已於詞也

大道有消長哲人在乘時身心役於物出處失其
宜緬彼子房賢悠然使我思博浪報韓仇英聲震
八陲密謀參帷幄擢項如嬰兒成功以告退願與
赤松隨從客儒者風高踪誰可追長源曠代合白
衣帝者師二京恢復策千秋竹帛垂讜議寤人主
骨肉無猜疑遐情寄放達山巔與水湄漢唐兩先
生令聞善保之托言養生術羅網安所施神仙亦
杳渺功名不可羈遺編覽夏日綠葉亞槐枝

中秋玩月五首

以樂天有月皆同賞爲韻

入夜秋露溥清景絕塵垢蕭然靜無譁涼風吹戶

有南堂集 卷三
隔徐步廣庭間高吟獨昂首白雲向空盡天心更
何有輝輝月輪明依微列星斗此際意無窮一編
猶在手

其二

細細候蟲鳴桂叢香醖醇令節屆中秋歲時何倏
忽平生愛幽況披襟向明月澄澈無點埃使我神
發越

其三

離羣悲索居探討樂同儕況此良宵意皓彩流天
街長空淨秋色皎潔迴無涯一洗雙眼塵更以滌

我懷落落素心人清興願與皆

其四

疎枝時動影冷暑來秋風相伴得良朋清光今夕
同雄談及經史坐見杯酒空沉吟敲短句來往月
華中不覺候暗催已有南征鴻

其五

玉漏聽頻移高下時俯仰碧漢度圓靈坐令宇宙
廣動我今古情曠然結遐想對此不欲寐達旦恣
玩賞

和韓昌黎秋懷之二

微雲抹秋景爽氣碧空凌已聞翔風雁漸少聚室
蠅高檐敞晴輝廓然忘愛憎寒藂發晚花瘦影自
稜稜悠然適吾天物感不可言三餘良有味何以
策所能

其二

落落見晨星拂几窻猶暗高天澄秋光俯仰亦何
憾白日晞露華不頻相瞰我生及良時栖志以
寧沒歧路嘆亡羊守約少泛濫事業在久長毋取
紛華暫古風有可追頽波力能纜六籍自昭陳歲
月費推勘至味厭菜根縈心戒石甌

擬東坡秧馬歌

芳郊候轉綠楊絲和風細雨穉苗滋田間作苦夫
何辭分苗插田手足疲乃有木馬製稱奇日行泥
水代我爲束藁縛首載驅馳腹如小舟來往宜雀
躍何曾覺少遲千畝百畝任相隨不須鞭策與繼
羈無勞芻秣慰夜饑西成有望盡爾資制器前民
信不疑

聖人在上重三時貴農日費

宵旰思東南剡剡滿稻田蓄洩多方指示之水利
近興西北陞謀民家室果無遺普天沛澤樂熙熙

千倉萬箱婦子嬉好歌秧馬譜新詩

王孝子詩

人生百行先孝德至性中存非外飾
文安王氏事尤奇奕葉蟬聯傳令則
身在襁褓父出亡匿迹山僧人未識
正是鳩車竹馬時欲訪孤踪慰所思
承歡奉母無可托朝夕依依血淚垂
年方弱冠甫受室跪別慈顏不勝悲
仰訴何能酬素志天長地濶杳無期
霜露榮悴瞻野草茫茫慙盡青竟道
精誠上格動神明海風吹入田橫島
一夢驚回僧偈真指示分明向洛津
古剎相逢幻作合牽衣再拜涕

沾巾二十年間如一日終歸桑梓疇能匹由來餘
慶積逾昌芳聲已載青史筆

觀稼行

聖主勤民重農務人安作息忘其故雨暘偶爾厯
宸思精誠立格降甘澍嘉苗滿野盡芄芃十日五
日好風雨少昊司權節候移俄看新稼如雲布一
莖九穗樂秋成高下田疇不計數入目崇墉景物
饒白叟黃童歡盈路欲覓仙芝瑤草生何如對此
歌豐裕

劉學士舊井行

并序

院中相傳有柯亭劉井亭已久廢所存者
惟井耳井爲前朝劉學士所鑿在正廳之
東偏去鳳凰池十餘步其水清甘可愛也
嘗讀易至井卦曰井養而不窮也又曰井
收勿幕則井之爲利大矣辛卯嘉平散步
之餘偶至其上因而賦此

凍雲飛雪壓西嶺霜風鬢發吹蘭省衝寒偶步玉
堂東覓句來觀學士井井欄已壞無復存惟餘井
水清且冷泉甘可汲煮佳茗日夕瓶攜用長綆深
底無風不作波碧空澄澈虛含影淵淵有本不暫

停絕盡泥垢恒寂靜人生外物日紛紜何如此井
常昭炳我欲借鑑以自繩中心慎勿昧惺惺

吳義民尋弟詩二首

至性憐同氣此離重感傷無心懷樂土有恨訴穹
蒼負販經千里顛連各一方蓬踪何處寄匹馬走
遐荒

其二

兄弟他鄉遇關河故國非幾年悲遠別此日更相
依暮雪迷山徑邊風凍日暉人歸寧古塔和氣滿
庭闈

種花

官閒無一事日爲種花忙卽景原非癖移栽不就
行隨時勤灌溉漸次覺芬芳以此娛清晝何須更
舉觴

賦得秋日新霑影

宿雲仍不斷小雨及新晴氣爽秋光淨風微落照
清全消炎暑意恰慰早涼情尙覺沾枝重閒花繞
砌明

擬周濂溪愛蓮詩

碧沼澄空岸柳眠花開菡萏獨嫣然風吹荇藻飄

香遠雨過陂塘濯葉鮮常抱潔芳難比色肯將穠
艷學爭妍亭亭出水清如許對此披襟憶昔賢

賦贈絅齋夏日養疾城南用壇長韻

城南有地足清涼漱灑波迴水一塘避暑今來開
草逕垂髫昔共挹芹香童子時同爲
安溪公所取繁叢過雨紅
當檻老樹迎風綠滿堂卽此閉關多著作待將秋
露葦花蒼

賦得五月江深草閣寒

匝匝槐枝密綴陰結廬門對大江深天連岸草當
長夏地擁濤聲滌素心靜籟時從天際落炎歎不

向室中侵坐移清晝薰風至架有縑緗待討尋

賦得菡萏溢金塘

一渌波影漾清漣菡萏新開色最鮮圓蓋滿池和
夜露幽芬覆水帶朝烟亭亭抱潔應無偶皎皎含
姿別有妍欲向晚風輕蕩槩花間高唱碧雲天

詠藍菊

小庭花發露秋光不待重陽已吐香爛漫枝頭初
過雨蕭疎葉上未經霜東籬晚色如供賞彭澤高
風可舉觴按譜芳名同冷菊幽姿滿目正新涼

賦得月色可洗硯

長河寂靜碧空橫
月入疎櫺几案明
色映硯池和露潤
光搖墨瀋帶風清
涼宵好助生花筆
永夜應添作賦情
騎省徘徊舒望眼
朗吟未許減書程

賦得紫禁風高露滿盤

商飈應候響林蟬
丹禁涼生瑞露鮮
影動盤中看玉潔
光搖掌上愛珠圓
灩灩夜墜當雙闕
湛湛宵零自九天
大地沾濡均萬物
寰區孰不荷

恩全

送陶企大奉尊人年伯歸西江

恰是秋風一葉先
蓬山歸去卽神仙
纔看紳佩趨

朝後暫得烟霞侍膝前
驛路雞聲催遠夢夕陽帆
影帶平川
秋田釀熟籬花綻露白
楓丹嘯晚天

賦得抱葉寒蟬靜

樹杪涼生思悄然
一枝寂靜不聞蟬
風中響定寒
初到葉底聲希序
又遷入晚尚能餐
夜露凌晨猶
得帶朝烟
輸他近戶鳴蛩急
獨抱秋光向碧天

送許大宗伯予告歸里

詞華錦繡動星雲
丰彩鸚鵡班
著令聞典禮於今
喉舌重衡文
自昔玉沙分

九天雨露恩
方渥三徑琴書志
所欣此去園林添

景色玉河春柳送斜曛

翰林院署重修喜賦

晴和十月類陽春
玉署重開景物新
漠漠沙連天路畔
溶溶波動御河津
人歸鳳闕承

恩重地近蓬瀛
問字頻卽此閉關
酬歲月清幽絕
不染纖塵

賦得御溝泉合如環素

律轉黃鍾節序遷
流斯凍合更澄鮮
瑤光鑑物常含潤
璧彩迎人莫比堅
氣逼霜風寒有象
清邀雪月皓無邊
東皇預待吹噓力
太液波添自玉泉

和廣陵先生韻四首

玉堂深處坐談經
輝映台階列上星
珥筆昔年膺雅望
授徒今日著芳型
鴻文錦濯千尋碧
素節松高萬壑青
雪滿程門容侍立
得瞻丰彩第三廳

其二

成蹊爛漫盡時英
愧我材庸樗櫟輕
三載雞臆新受業
廿年藜火舊關情
辛勤早夜依師範
勉勵文章答

聖明堪味歲餘霜
月白書程肯減永
宵檠

其三

六出花殘尙亞枝五雲常在動遐思官閒頗覺忘
車馬暑冷偏宜念歲時氣轉微陽知候改寒侵瘦
日到堦移磨礪幸不遺頑石問字頻頻近鳳池

其四

敢言蓬閣卽登仙養拙惟期絕外緣濂洛有傳心
每切淄澠已辨志彌堅高吟迴出風雲上朗誦遙
尋翰墨先欲和知難叉手立檐前簪捲自廻旋

恭和

御製賜浙閩總督范時崇詩

昇平幸際敷王化職守惟勤擬作楨任寄封疆新

秉鉞家傳節義舊知名農桑有象村烟靜島嶼無
塵海氣清浙水閩山綿世澤

天章特錫勵丹誠

恭和

御製餞大學士李光地暫回閩省詩

文明有象久崇儒特簡黃扉翊

聖謨身任股肱仙闕近運逢熙皞湛恩敷節倅冰
雪心無二學溯源流道自符最是

皇情多眷注

天章炳煥賜歸途

賦得漏洩春光有柳條

帝城景物尙蕭蕭
臘盡陽回柳欲嬌
東日未能抽嫩甲
晴光漸覺換柔條
全含暖氣時飄蕩
不碍寒風自動搖
待得三春披拂後
玉河新水帶長橋

春風六韻

聖德當陽日韶光
淑氣融飛灰迎暖律
扇物動微風披拂
三春遍吹噓萬象同
飄飄過草際習習度
林中應候來時雨
乘期識歲豐太和方
鼓盪造化賴成功

怡園楸樹花六韻

清和當令節佳氣入芳年勝地羅新景長楸帶曉
烟疎枝抽葉密老榦綴花妍馥馥因風至亭亭過
雨鮮天桃休比艷郁李謾爭先自是青松侶撐雲
近日邊

賦得霽河千里曉橫銀六韻

倬彼銀河迴當秋濯露涼昭回空際遠皎潔望中
長耿耿分宵景迢迢帶曙光疎星含淺蕩曉月映
微茫穿鑿何曾見淵源莫可量載歌雲漢什壽考
祝

君王

孟秋有閏六韻

一元周歲紀四序仰

皇猷製歷詳餘閏乘時及早秋商飈纔應律大火
正初流樹杪新蟬急檐端宿雨收涼河宵景沒爽
氣曉空浮好慰西成望如雲滿綠疇

送澤州先生予告歸里

華嶽千秋萃清時一德臣中樞參密勿史館見精
神風俗歸調燮陰陽妙屈伸久司鸞掖草老別鳳
池春白首推前輩青雲仰後塵

聖情多眷注泉石意偏親

西山積雪八韻

帝居端北極山勢抱西城凹凸寒光合參差素影
清千峯攢玉樹萬壑滿瓊英候冷消難盡風迴舞
尙輕最宜新月白還愛夕陽明皎潔連空迴晶瑩
帶野橫豐年占上瑞

聖德格精誠徙倚頻舒眼遙添入望情

賦得我愛夏日長

綠野如雲稼朱明鎮日長濃陰依碧樹翠靄滴青
篁雨過添朝爽風來足晚涼開窗多景色繞徑盡
芬芳檐際槐花落藁邊蝶翅忙分陰虛歲月萬古

愧縑緗自可娛文史何須問酒觴閒情栖沒泊晝
漏聽悠揚冷署搜羅廣清時會運昌不妨當溽暑
還欲試螢囊

擬正月辛吉

皇上躬行祈穀禮恭紀十二韻

九土敷元化三時念下民貴農勤

聖睿祈穀事明禋

北闕嚴清蹕

南郊卜上辛潔粢爰肅志登俎正逢春器列琮璜
古聲傳祝管新馨香昭對越裸獻致精純穆穆齋

客整踰踰典禮遵鵷班瞻太乙虎旅靜勾陳欲作
豐年頌先由至德臻天庥徵有象

帝澤被無垠原野謳歌徧桑麻雨露均會看田畯
喜美報自斯辰

玉河冰泮十二韻

候節飛灰應寅賓曉日升暖融春岸柳晴釋御溝
冰雪霽初添漲風和早納凌已開波灩灩無復氣
稜稜放艇思回棹臨淵好試睂潏潏銀漢映蕩漾
碧天澄月照空逾淨烟籠沒欲凝沿河青草細傍
水白雲層玉佩趨朝騎金蓮送院燈涵光彌可愛

動影亦堪稱
壻外清流繞
池邊潤色增
遙從太液
出盡是

聖恩宏

賦得萬紫千紅總是春十二韻

勾芒司令候
品卉競芳辰
披拂東風徧
吹噓萬物
均
嫣紅翻影艷
嫩紫動枝新
暖氣敷青野
晴和布
綠茵芬菲全
可愛錯落盡
知春露洗光
逾潔烟籠
色更勻微波
涵沒蕩高翠
映嶙峋細葢
黃蜂惜香
泥紫燕珍無
邊情共遠有
象意偏真極
目當長日
開襟及早晨
熙熙原自得
靄靄若迎人
對此忘言

久等花踏軟塵

賦得江雲薄爲霧十二韻

侵晨忘溽暑乘暇到江濱
曠野橫朝氣長空綴薄
雲觸峯還覿巖離岫乍
續紛綵旬羅新景青編
想舊聞春田堪作瑞碧
漢儼成文淅蕩浮輕靄
依微纖細紋茅簷占歲
稔蔀屋樂時耘四望陰
方合千山色未分平臨
沙漠漠靜覆水沄沄欲
雨還宜重非烟更結霰
風帆隨激浪岸草雜香
薰眺望情何極無心迴
不羣

喜雨應制十二韻

涼風吹暑節好雨應昌期漠漠輕雲布霏霏暗浪
滋爲霖原不爽潤物更無私野老歌方起嘉苗穗
欲垂滂沱橫作勢涓滴細分支太液波新漲瀛臺
柳乍欹竹林抽嫩籜花並卧繁枝大慰羣黎望多
由

聖澤施勸農勤再易省稼念三時旣觀沾濡候應
寬

宵旰思履豐堪預卜有喜最先知此日甘膏足慚
賡擊壤詩

新竹十二韻

藂竹添新翠，檀欒夏令時。久持霜節苦，新得露根滋。
嫩籜含方拆，長梢漸欲垂。輕飄風淅淅，細墜雨絲絲。
碎影搖明月，清陰覆碧池。當軒還動盪，繞徑自葳蕤。
翳葉生涼籟，成林障赫曦。能消炎暑酷，更與歲寒期。
夏玉聲相類，停雲勢不疑。開花蜂漫採，結實鳳來儀。
夢澤蕭疎色，淇園鬱秀姿。一從丹地植，常近萬年枝。

恭和

御製瀛臺詩賦得秋花倒影鏡中山五言十韻
上苑羅新景，層巒俯碧川。晴光開潋灩，秋色動清

漣水面山逾峻波中花更妍幽芳枝暗動列岫影
疑連淺沒繁朝靄悠悠蕩遠天樓臺相映好草木
各爭鮮雨灑

宸襟豁風飄

御墨懸七言涵有象一水淨無烟仙島雲霞裏天
章日月邊

小臣

慚作賦拜讀

聖人前

賦得天高秋月明十二韻

少昊司秋日寥天入夜時雨餘殘暑退雲歛晚風
吹寂寂塵囂淨團團月色移長河相掩映列宿自

參差圓鏡飛三島金波滿一規流輝連野澗散彩
向空馳桂樹開青嶺珠胎隱碧池候蟲分禁漏棲
鳥遶高枝謝賦羅新景庾樓動遠思晶瑩全不染
澄澈迴無涯永夕添清興深宵愜素期乘涼吟望
處達曙竟忘疲

皇上御選唐詩分命儒臣纂註刊行恭紀十二韻
皇風敷至治道統任

英君博採窮經史遐搜及典墳

宸章懸日月

睿藻麗星雲律與元音合詩傳衆體分三唐間

賜覽百代細論文玉簡重輝煥金函更郁芬青編
資取鑑碧漢仰成斐

特命詞臣集爰頒卷帙紛鳳池搆纂註蘭省事辛
勤讀罷娛心目披時幣見聞燈光移夜漏閣影動
香芸欲竭微臣力花磚惜景曛

和諸同館九日黑窑廠登高韻

來向野坳方破曉坐移清晝欲加申驚心古木飛
黃葉入眼平原帶綠茵花滿疎籬寒尚拆天空傑
閣迴無隣幽尋頓少塵中想痛飲渾如物外身曠
達但隨高士伴囂喧一任世人嗔放懷只合舒長

嘯乘興何須問風因列坐依依多自得清言娓娓
任披陳亭臺掩映邀明月節氣清和類早春字抹
秋雲橫塞雁歡逢晚景屬閒人應知此會成佳話
不插茱萸興亦真

閏七夕二首

涼河耿耿夜昭回少女停驂序暗催自是星仙重
離別一年兩度鵲橋來

碧梧疎影動秋風暑氣全消積雨中好向簷前重
乞巧入簾新月已朦朧

元孫容

照校字

德蔭堂集卷四

長白阿克敦撰

曾孫那彥成校刻

水淀集

恭和

御製水村原韻

錦纜牙檣擁畫艘
畿南趙北啟宸遊

千村映樹環朝靄
一水澄空蕩夕流
應候菰蒲抽嫩色
忘機鷗鷺靜芳洲
春田雪霽新添潤
四野應寬

聖主憂

賦得春水滿四澤應制

古淀斯方淨新流漾碧空光涵千頃外影動一波
中岸柳微茫見春帆遠近同纖塵何處著暖日蕩
和風

舟中觀獵應制

平鋪水面帶遙天雲擁輕舟破曉烟鳬雁翩翩翻洲
外落旌旗摇曳鏡中懸波光動處圍先合棹影開
時獵始旋更爲居民勤

聖慮茅簷多荷

主恩偏

春分卽事應制

一鑑晴開敞碧川
平分春色淨遙天
鷗羣點點洲中靜
藻葉青青水上鮮
隔浦人家皆樂土
緣隄樹杪足朝烟

宸遊此日行時令
不數橫汾玩賞篇

恭和

御製喜雨詩原韻

風吹好雨沐恩多
霧合雲垂意若何
細潤春田抽宿麥
徧霑茅屋動歡歌
甘霖已沛千村樂
歲稔先徵二氣和

聖主勤民天降瑞天心

聖意本同科

六里橋鐵柱應制

六里橋邊

翠輦行誰將鐵柱障流平于今不患蛟龍怒八表
人安久宴清

晚泊郭里口次鄂名二同年韻

水面暮烟平風吹客舫清夕陽人去意新月雁來
聲野樹高低暗桅燈遠近明莫嫌舟泊處耽癖是
書生

其二

春色橫空際閒情入夜時沙鷗驚繫纜漁唱伴吟
詩野淀翻波影荒村隔柳枝非關歸獨晚
行在漏聲遲

段村舟中見新月同雲客季政限韻

布帆初下泊行舟十里長隄月一鉤乍覺清光林
際出更看碎影浪中浮昔年曾有尋詩約今夕何
妨作勝遊望裏蛾眉添野趣開襟卽此是當頭

拳頭村與鄂季政分泊口占代柬

連朝並舫愛君才忽隔芳洲咏溯洄只在湖光深

御南堂集 卷四
淺處郵筒可寄好詩來

月夜歸舟

月明今夕永春水漾輕舟岸繞漁村靜烟開遠樹
浮棹從天上至人向鏡中遊晚泊迷前浦檣燈認
碧流

舟行和韻

春水浩無際千帆鏡裏懸此中饒至趣何處覓神
仙綠淺洲邊草晴飛村外烟波涵雲影沒魚鳥漾
平川

舟中賦得挾飛仙以遨遊

春滿平湖宿靄收
片帆高掛架輕舟
漫尋象外偕仙侶
且向江中作勝遊
棹動細波牽綠藻
機忘塵慮狎沙鷗
洄一任探幽興
烟景無邊好暫留

新柳和韻

輕陰漠漠帶長隄
柳色微茫尙未齊
淺黛仁舒芳草外
柔條初拂畫橋西
烟籠猶覺春光少
風動偏宜落照低
好待三眠清晝永
山鶯海燕任相啼

賦得吹面不寒楊柳風
同鄂季政馬上口占
回首檣帆帶遠空
綠楊堤上有微風
晴光近起青蘋末
暖氣遙來碧海東
欲減征裘春色裏
漸催歸

騎客途中萋萋野草平沙外花信應知入錦萊

途中春雪

黯黯春雲漠漠沙客衣霑灑濕輕花恰如柳絮飛
三月只訝寒風拂樹斜

馬上口占

文園近南門寒輕氣帶溫烟光分淺黛風信動香
魂野叟依檐樹春犁隔遠村馬行芳草路沙軟破
青痕

北遊集

山莊四季應制

好景麗山莊春輝細草香黛含峯影
掩映畫圖長

清和迎

翠輦溪壑一時開地少炎蒸氣荷風水面來

雨洗青蒼後晴空爽氣秋農桑勞

聖慮土厚綠禾稠

寒野朔風急松杉老碧枝平原閒試馬沙岸帶朝
曦

恭賦

御製萬壑泉消夏千峯翠作秋應制

卷四
泉聲回潄暑翠色帶秋光萬壑來新籟千峯送早
涼尋源知活水繞徑度清香曲折從雲下葱蘢滿
澗芳風生逾颯爽雨過更青蒼野曠嘉禾盛山迴
鳳益翔

恩波隨地湧好景入時長紫塞停

仙蹕歡歌夾道傍

賦得帳殿鬱崔嵬應制

野靜秋光裏雲開帳殿中雙旌搖晚照萬馬動西
風烟重山逾紫霜輕葉未紅時巡當歲稔

聖藻仰天工

賦得江城五月落梅花應制

悠然一曲度江城五月梅花笛裏聲
今日南薰歌帝德太和元氣自長清

恭和

御製晚夏偶成元韻

徑連芳草碧池漾晚荷紅
山翠朝凝露林香夜度風
涼雲催暑退好雨作年豐
已屆西成候歡聲動野翁

恭賦

御製惟將周易靜中求

聖學淵源授自天仰觀俯察會真詮精微直契庖
羲上義理能窮太極先道立三才成至治心通六
畫著瑤編萬幾餘暇看周易聚訟紛紜始豁然

恭賦

御製活水源頭可問津

苑柳絲絲夾岸眠憑臨此日愛澄鮮穿林繞石來
芳沼濺玉噴珠自碧泉蕩漾波中留晚照潌洄水
面覆朝烟一泖清冷邀

宸賞直徹源流入

睿篇

清潭應制

宿雨全收拂曉晴
碧泓新漲更涵清
波分天外雲光沒
影帶洲邊草色明
傍水亭臺爰暑却
隔溪荷葉遠香生

翠華臨處塵埃淨
自有淵淵愜

聖情

觀稼應制

綠野如雲稼穡同

省方到處念農功
欣看土厚經時雨
已近秋成待好風
蒨屋騰歡歌

帝力嘉禾獻瑞恆

宸衷卽今中外歸

王化紫塞霑

恩屢歲豐

扈

蹕湯山

召同大學士等入內敬觀

皇上親灑

宸翰隨

賜御書文賦扇一柄恭紀

詔許聯班步履從內官前引祕宮重跪瞻笑語
天顏霽親見雲烟寶墨濃萬象奔馳神動蕩千鈞
挽運意春容晉唐風味誰堪比直闢乾坤未有踪
暖谷重聞口勅宣

特頒宮扇紫雲邊三辰彩映庖羲畫百代光生陸
氏篇黃帕擎來歌湛露錦函封後紀堯年微臣拜
手

恩何極夾道香風散晚天

賦得月傍九霄冬

季夏涼生夕中天月湧波影涵千里濶光汎一輪

多零露溥青野微雲沒絳河會當羣動息清澈更如何

海月浮空滿疎星耿玉河遠臨關塞外偏照別離多客意隔風雨詩情洽薜蘿相看惟對酒清景散庭柯

賦得禪房花木深

上方塵跡少花木散清陰徑僻苔痕古窻虛露氣侵幽香飄梵宇鬱翠靜禪心月夜空庭外蕭疎影自沉

雨後同高章之晚眺次韻

歸從

行在晚坐向碧流同野色陰晴半明霞遠近中蕭
疎隨物象點綴謝人工我亦忘情久新詩却遜公
同高侍讀文編修晚步次韻

宿雲飛不斷雨後漲新平牧馬歸方急村烟晚更
晴薰風渾未熱客思覺長清落日千峯影悠然愛
此行

長堤晚步次敦學士韻

緩步晚來涼長堤近日傍山光環草樹剝影隔津
梁雨霽村烟淨風清露氣香河聲流不斷新月漸

微茫

和敦學士夏日卽事韻

君居清切地鎮日綠牕涼玉管頻生彩新荷好作
裳花香雜草木水榭壓池塘遠隔塵囂外詩情愛
夕陽

再和敦學士夏日卽事韻

三庚方進暑六月似新秋細草緣堤長濃陰覆苑
幽菱荷翻水殿風雨入山樓檢點天書暇鷗閒沙
外洲

新秋山色

紫塞新涼候秋光已在山谿雲飛處薄林葉翠中
斑雨霽微烟淨天空落照閒終朝直廬外相對坐
忘還

新秋蟬聲

庭樹西風裏蟬吟序暗更况當關塞地聽此短長
聲野曠寒知早宵深露最清自應愛高潔莫漫助
離情

聞蟬

近水涼生沼依山翠滿林客中長夏日窓外早蟬
音斷續來清簟悠揚落素琴三秋如可訂好共塞

垣吟

佛山次韻四首

朔野天開列錦屏
紫雲常護佛山青
禪心不必依
雙樹法像何須借
五丁鳥亦知機
窺色相花能散
彩供芳馨磬
鍾峯勢遙相接
流水聲如貝葉經
莊嚴色相本天真
露洗霜勻淨世塵
自滅浮緣虛
半偈常賒願力露
全身雲開遠塞峯
千點水印長
空月一輪直闢洪
荒原示現豈關西
域再來人
寂坐應爲愍萬靈
太虛何日幻成形
全空五蘊根
常淨欲問三生夢
未醒河水北來沙
岸白夕陽西

向嶺雲青梵音清切頻相貺暮雨晨風靜裏聽
心如枯木鵲巢頭倦說恒沙夾岸流遊化尙嫌多
問答息機常定歷春秋刼消生滅憑誰識相著乾
坤亦暫留草色苔痕還映帶從人玩賞認山邱

五月十四夜同人小集

列坐空庭愛好風蕭疎旅舍晚相同水盤佐酒宵
忘暑山月侵衣露濕蓂宮漏迢迢來苑北村歌細
細過墻東人生值此應知惜漫說行蹤類轉蓬

賦得雨中春樹萬人家

乘時暖布綠郊勻
濛濛飄空景物新
霧重細飛千

樹雨烟籠低覆萬家春
霏霏影暗鶯簧澀處處香
生燕剪頻著意東風披拂
早茅檐綺閣總芳辰

荷珠

水殿香生處處通
綠荷珠滿鑑湖中
微風靜後明還定
素月臨時近
若空仙佩似搖光
錯落蚌胎如結影
玲瓏花間點
滴承清露掩映澄波上下同

黃刺蘼

刺蘼花放傍華軒
素質幽芳滿一園
濃翠帶烟垂架重
沒黃和雨壓枝繁
蜂鬚暗接渾難辨
月色清分未有痕
何幸托根還得地
御袍光映更承恩

賦得清秋燕子故飛飛

近社秋光候又非
新涼燕子故依依
銜泥倦向巢邊去
掠影偏從水面飛
底事三春辭爛漫
多情九夏謝芳菲
雙雙有意憐清景
海國西風尚未歸

咏梧桐樹上黃鸝

梧桐陰覆綠雲垂
黃鳥聲來暑氣移
不向春堤穿嫩葉
偏於秋迳集高枝
清音宛轉憐花事
金羽翩翻待鳳儀
簾外西風涼意淺
好因鼓吹有新詩

賦得樹影月中寒

月輪高湧碧天寬
樹樹秋光夜未闌
一片金波清

似水千林翠葉靜生寒影飛驚鵲風初急聲斷涼蟬露正溥紫塞今宵逢令節欲書烟景句偏難

過遵化州次韻

晚風斜照下荒邱朔野霜輕似暮秋邊塞于今卑漢策功名自古重吳鉤吹殘敗葉添行色獵盡平原減客愁立馬城東回首望寒鴉點點過高樓

晚宿三屯營次韻

古戍荒烟一彈丸萬山霜老葉飛殘朔風吹野侵衣薄邊月依人入幕寒村火夜深林外暗客顏塵滿鏡中看羽林莫笑書生態吟得新詩氣若蘭

馬上口占次韻

霜氣朝凝樹掛絲一圍初合再圍遲
塞垣寒重風欹帽山徑斜通箭拂枝
馬上吟同青瑣客路傍人指梵王
師行營莫訝歸來晚猶是千山落照時

贈額學士

皎皎海月清雨餘更澄澈鬱鬱山松高
霜中不摧折明月照君心寒松植君節
君不見檐前螢火光依稀仁明旋復滅
又不見春時桃樹華凋謝寒風悲炎熱
知君自是磊落人一切卑之而不屑
常使此心此節如初終慎勿以巧易其拙

賦得山半雲

雨氣初收曉尚陰
沒雲猶自抹秋林
翠微深處參差見
掩映仙居隔碧岑

出沒無心生碧岫
遲迴有意濕芳藂
甘霖已足田禾熟
點綴青峯靄靄中

地近離宮絕點埃
清泉古木暗蒼苔
坐看雲氣當山半
身在蓬山頂上來

漠漠平連野色分
峻嶒勢盡更氤氲
非烟非霧縈朝日
不比尋常賦白雲

晚步和高章之韻

漠漠平沙野興同緣隄細草動微風雲間又見初
生魄一帶人家暮靄中

客中時序驚心早律轉林鍾日過三夜色于今來
塞北清光可許到天南

斷橋流水帶沙汀欲暢幽尋叩野扃隔岸村燈明
更滅疎星點點照新螢

閒來有伴皆成約雨後無塵卽是期四面山光一
輪月最堪遊玩晚涼時

熱河旅舍有雙燕成巢至秋將去偶得三絕

句

一鞭出塞值清和旅館蕭然長綠莎簾捲雙雙新
燕子呢喃有意傍人多

營巢終日在梁間銜取香泥自往還退食公餘人
兀坐烏衣似解破愁顏

風雨無端暑氣微茆檐秋爽引雛飛主人也是南
來客羨爾將歸客未歸

題蔣西谷畫幅四首

松牡丹

雲生偃蓋濤常冷露濕天香春更深誰道傾城顏
色好結根還有雪霜心

荷花荷葉

亭亭永晝淨芳姿寫得生綃沒墨宜却似冥濛烟
雨裏紅衣翠蓋匝清池

桂秋海棠

一株仙桂露凝香幾許秋光著海棠爲謝三春桃
李色西風不與覩濃粧

竹菊

蕭蕭逕外餘霜節楚楚籬邊剩晚英我愛平分秋
色好涼風冷雨不勝情

題扇

一枝向日露葵黃
紅淺紫低映海棠
野菊西風花事晚
仍留清艷飽秋光

題扇頭畫菊

霜華冷葉愛秋光
寫入籬邊晚節香
頓使炎天忘酷暑
不須風雨逼重陽

元孫容

照安校字

德蔭堂集卷五

長白阿克敦撰

曾孫那彥成校刻

塞外集

扈從出古北口恭紀

萬騎雲隨遠

帝都重開設險壯雄圖蒼巖拱抱千層固綫路迴
環百折紆自古邊庭多不暇於今中外更何殊
翠華經過歡呼動始信

皇風歷代無

鍾峯二首

勝地多佳景鍾峯勢接天深臨千澗底突起萬山
巔不是金莖矗非關塔影懸斜陽迴照處翠靄浩
無邊

其二

秀色自崢嶸標奇削不成光凌青漢迴影入碧雲
清俯視羣峯上遙連

禁苑明鍾靈原有日玩賞愜

皇情

恭和

御製賜將軍潘育龍詩

聖代熙熙久息戎邊陲珍重付丹衷

君恩欲報身留劍壯志常伸手執弓率土欣瞻今日化

皇心最念舊時功九霄

天語榮褒賞此後爭傳白髮翁

再和

西陲久鎮輯兵戎宿將成勞厯

聖衷塵靜秦關停戍鼓風清瀚海擘強弓

溫綸屢諭褒嘉意

仙藻還論戰伐功早晚榮光臨檠戟預知喜動白

頭翁

恭和

御製賜將軍吳英詩

已掃欃槍數十年海風常靜見漁船
波光夜漾三山月曙氣晴消六合烟
將老偏邀

恩獨渥功高只願壽多延
封疆望重知無忝
鼓勵雄心愈勃然

再和

水戰勲名憶昔年奮身摧敵汎樓船
滄溟夜轉千帆月碧宇晴開萬里烟
島息鯨波歌永靜籌添鶴

算願長延老臣特荷

奎章賜獎賞前功曷未然

恭和

御製賜大學士溫達詩

聖治遐敷逢運泰綸扉重寄遇時平贊襄自應三
台象變理應無一事輕

覆載恩深渾似海鹽梅劑合總如羹皤皤拜受

天章賜何幸今朝獲表旌

咏金蓮花二十韻

莫羨江干種今來塞北天等幽登碧岫覽勝愛金

蓮色借中央正花伴華嶽巔襲人還馥馥動影自
翩翩郁李微嫌淡夭桃太覺妍清邀秋菊後盛放
蜀葵先綠洗亭亭直黃開朵朵圓晴餘時照耀雨
際愈澄鮮爛漫承霄露依稀帶曙烟蜂鬚疑暗接
蝶粉漫相連擇地依深谷含情遠濁泉敷榮如有
意抱潔更無前恰遇

巡方日欣逢

郵治年千巖

龍旆轉一顧

聖恩偏

上苑移根美嘉名入譜傳品題

仙藻筆歌咏侍臣篇頓使光輝滿多由

化育全樓臺同掩映草樹共昭宣長日惟喧鳥薰
風未噪蟬芳菲無限好不必濯清漣

恭和

御製湧翠巖觀瀑賞白蓮花詩原韻

長養欣逢盛夏功飛泉直瀉碧潢同高垂素練還
穿石乍湧清波更濺叢雲外聲來晴亦雨林間香
度曉多風

皇情對此怡神久瀑影花光麗日中

夏夜山中卽事

登臨一何爽極目豁襟期
水映燈千點峯含月半規
納涼忘漏永話素任歸遲
萬籟聲中靜天機觸處知

熱河月夜同山農小酌

塞外風來夜氣涼全忘酷暑對清光
星臨遠水明於晝露濕青山暗有香
肯使良宵輸與短聊因野老話情長
振衣豈止高千仞俯視雲烟笑舉觴

秋夜喜奇木公過訪限韻

客裏逢秋早天涯見月明
設能消短燭飲可集深

更蟲語環牕急星光入戶橫歡爲知己盡露下夜
空清

七月十七夜熱河泛舟

乘流放艇漾清淪好景當前樂自真月湧微波金
影碎山環暮靄墨痕勻客中歡聚憑村酌夜半餘
情理釣緡不料良宵成勝事熱河風味異他辰

前題再成絕句一首

露洗秋空見月華薄雲飛盡望無涯舟行水面山
光繞疑脫紅塵泛海槎

前題再成六言詩一首

塞地當秋愈靜閒情入夜常寬輕舟蕩槳波動素
月搖光露溥暢敘潛移永漏披衣漸覺微寒他年
偶憶佳話此景重尋甚難

答奇木公古意三首

燕燕亦有羣飛鴻亦有侶一以棲屋檐一以臨江
渚領趣各不同兩心豈能許渺渺海天空相邀奮
遐舉回首謝人烟氣味投所與

聞說蓬壺間中有神仙子每欲訪孤踪長懷空徙
倚夢寐不能忘相思書鳳紙蒹葭何蒼蒼伊人隔
秋水會合幸有時攜手坐雲委飲我以瓊漿遺我

以芳芷與君意綢繆旣見而心喜

澗底有青松絕頂青松映高深雖異區共此丰標
勁方春吐物華鮮妍花木盛不禁風雨摧難與雪
霜競萎落盡悲時青松能立命造物本無私栽培
得其正常訂歲寒交勉矣全天性

中秋後一夜哈達鄂佛落同奇木公限韻

雨逢佳節困天涯賴得今宵月色賒遠射千林紅
葉暗低臨萬壑碧流斜風來客幕聞行漏露滴香
藜濕塞花自有閒情酬短句不因秋老怨邊笳

八月二十七日巴顏溝曉雪

夜來秋雨足破曉雪生寒乍冷山容改平鋪野色
寬霜林紅更艷塞草綠初乾節序驚心早登臨客
裏看

九日途中漫成

憶我出塞時四月草新萌客中逢五日野蒲山艾
生薰風度夏景呦呦鹿漸鳴朔風飄涼雨中秋虛
月明物候暗相催常使我心驚昨朝過寒嶺雪消
天氣晴紅葉滿秋林頓有故園情況復是重陽迢
迢值遠程霜螯共冷菊安能杯酒盈下馬俯泉流
山色亦何清無以酬佳節長吟慰此行

夜雨

又是寒林暮雨聲
蕭蕭翠帟倍離情
一燈無語憐孤影
腸斷關山夢不成

同車腹公圍爐夜話用前韻

一爐相向聽邊聲
共有天涯作客情
雪滿秋原人已靜
欲憑暖酒佐詩成

九月十九日揚扶九先生招同車腹奇木兩先生卽席限韻

秋深晚色一時同
坐見燈光酒氣融
朔野寒山留塞雪
長空冷月度邊鴻
行營偶聚成詩伴
客邸關

心憶菊風盡醉何妨酬斗石離懷不必問西東
得共羣賢尊酒同簪纓氣習盡消融構詩不窘生
花筆落紙渾驚戲海鴻隔座光搖穿戶月披裘暖
却入窻風談深促膝忘歸去肯效人情付水東
歡呼席上興偏同雅集高懷一室融酒政森嚴消
短燭詩情勃發咏歸鴻疎星點點低茅屋宮漏迢
迢送曉風霜隕寒天雞已唱此身遙在帝城東
爲有離愁此際同良宵相對意冲融低頭莫望千
山月入夢應隨萬里鴻不禁寒牕來朔吹那堪落
葉下霜風於今莫作傷秋賦遠隔蓬山碧海東

過舊遊處再用前韻以志之

曾與山農曉夜同，疎籬深處樂融融。
情多每愛依田舍，性拙由來似野鴻。
蔬食充腸移永晝，冰盤忘暑坐清風。
回思勝事渾無限，不覺徘徊月在東。

再用前韻留別熱河

半載重經此地同，陽春漸近漸和融。
到來沙岸初飛燕，歸去秋雲早渡鴻。
塞野有情供客句，鄉心無數待晨風。
明朝遠陟關山路，馬首應知不向東。

元孫容

知照

校字